



**REZIMEI PODRŽANIH APLIKACIJA ZAPRIMLJENIH KROZ
Javni poziv organizacijama civilnog društva i neformalnim grupama iz Bosne i
Hercegovine - podrška realizaciji kampanja za namicanje sredstava
Broj protokola: KP-I-171/23 od 18/23).**

Udruženje građana Korijeni, Ugljevik

Nabavkom prese koja će omogućiti uspostavljanje sistema sortiranja otpada stvorit će se uslovi da se otpadom raspolaze kao sirovinom i sredstvom, što bi predstavljalo priliku da škola smanji tekuće rashode za odvoz smeća i da novčana sredstva ostvarena po osnovu prodatog otpada kao sekundarne sirovine uložiti u edukaciju učenika, nabavku opreme, putovanja učenika na studijske posjete i ekskurzije te da se time podigne svijest kod učenika o značaju odgovornog ponašanja prema okolini i pravilnom, odnosno racionalnom odlaganju i upravljanju otpadom i da u otpadu vide priliku za dodatnu zaradu iz koje bi mogli dodatno da se edukuju i putuju. Osnovni cilj projekta je smanjenja količina otpada koja će se odvoziti na regionalnu deponiju u Bijeljini (korisnici su obje opštine) radi doprinosa smanjenju zagađenja okoline. Pored toga organizovat će se edukativne radionice za učenike i uspostavljanje ekološke sekcije.

Za realizaciju ove aktivnosti organizaciji je neophodno 12.350,00 KM zbog čega želi pokrenuti kampanju za namicanje sredstava. Sredstva iz poziva iskoristila bi se za troškove promocije kampanje u iznosu od 2.000,00 KM (bez PDV-a) i za troškove projekta u iznosu od 3.000,00 KM (bez PDV-a).

Fondacija Muharem Berbić, Sarajevo

Osnovni cilj projekta jeste doprinijeti socio-ekonomskoj inkluziji osoba sa invaliditetom na bh. prostoru, te učiniti mainstreamom (radne) sposobnosti istih tako da budu percipirani kroz socijalnu ulogu, a ne kroz invaliditet kako je to dosadašnja uvriježena praksa i stav u našem društvu. Projektom se želi nabaviti oprema za rad na kojoj će se osposobljavati i na koncu zaposliti osobe sa invaliditetom.

Za realizaciju ove aktivnosti organizaciji je neophodno 12.450,00 KM zbog čega želi pokrenuti kampanju za namicanje sredstava. Sredstva iz poziva iskoristila bi se za troškove promocije kampanje u iznosu od 3.200,00 KM (bez PDV-a) i za troškove projekta u iznosu od 1.800,00 KM (bez PDV-a).

Mala sirena, Zavidovići

Udruženje „Mala sirena“ je jedino mjesto u gradu i okolini koje obezbjeđuje stručnu i druge vrste podrške za djecu sa poteškoćama u razvoju za djecu iz nekoliko gradova BiH. Na godišnjoj osnovi kroz udruženje prođe najmanje 100 djece i mladih sa poteškoćama u razvoju te je od izuzetne je važnosti da uslovi boravka i rada zadovoljavaju potrebe djece, naročito imajući u vidu zdravstveno stanje djece i njihovu dodatnu osjetljivost u odnosu na djecu tipičnog rasta i razvoja. Kroz projekat se planira ugradnja toplotne pumpe u objektu gdje će djeca sa poteškoćama u razvoju i članovi njihovih porodica imati sve potrebne



stručne usluge, ali i ostale vidove podrške. Toplotne pumpe su ekološki prihvatljiv i ekonomski isplativ način zagrijavanja i rashlađivanja prostorija. Dugoročno bi se osigurala značajna finansijska ušteda imajući u vidu cijenu peleta i angažovanje osobe za održavanje grijanja kao alternativnog načina zagrijavanja i smanjenja potrošnje električne energije, što je veoma važno za udruženje i njegovu finansijsku stabilnost. Uštedena sredstva bi se usmjerila na usluge edukacije, rehabilitacije i socijalizacije djece sa poteškoćama u razvoju koje su im gotovo nedostupne u BiH.

Za realizaciju ove aktivnosti organizaciji je neophodno 64.768,00 KM zbog čega želi pokrenuti kampanju za namicanje sredstava. Sredstva iz poziva iskoristila bi se isključivo za troškove promocije kampanje u punom iznosu od 5.000,00 KM (bez PDV-a).

Centar za mlade INPUT, Zenica

STEM MAKERSPACE LAB je projekat koji bi omogućio pristup djeci i mladima nesmetan proces usvajanja znanja iz oblasti obrazovanja tačnije STEM skraćena oblasti – Science/Nauka, Technology/Tehnologija, Engineering/Inženjerstvo i Mathematics/Matematika. Uspostavljanjem STEM MakerSpace Laba djeci i mladima će se omogućiti učešće u realizaciji aktivnosti koje za cilj imaju unapređenje njihovih ličnih vještina i kompetencija, a što će u krajnjoj mjeri olakšati proces pronalaska zaposlenja nakon napuštanja institucionalnog oblika zbrinjavanja. Aktivnosti koje se planiraju realizirati u okviru STEM MakerSpace Laba prilagođene su djeci svih uzrasta koji trenutno borave u JU „Dom-porodica“ Zenica. Kroz učešće u realizaciji aktivnosti programa STEM MakerSpace Lab učenici će razvijati svoje lične vještine, imaće priliku da nauče najnovije stvari iz oblasti programiranja, robotike i 3D modeliranja i printanja da praktično primjene sve ono što uče u okviru formalnog obrazovanja u svojim školama. Takođe, imaće priliku da razviju i komunikacijske vještine, te da budu uključeni u STEM program, praktičnu primjenu nastavnog plana i programa po principu "learning by doing".

Za realizaciju ove aktivnosti organizaciji je neophodno 14.435,00 KM zbog čega želi pokrenuti kampanju za namicanje sredstava. Sredstva iz poziva iskoristila bi se za troškove promocije kampanje u iznosu od 2.000,00 KM (bez PDV-a) i za troškove projekta u iznosu od 3.000,00 KM (bez PDV-a).

Udruženje za sport i rekreaciju Aqua fit, Sarajevo

Cilj projekta je organizovati takmičenje u Sarajevu na kojem bi učestvovali plivački klubovi iz regiona. Očekivani broj učesnika je između 350-340. Nakon pandemije coronavirusom aktiviranost djece predstavlja veliki problem pa stoga iz Aquafita smatraju da je plivanje idealno rješenje za razvoj mišićne mase kod male djece te smatraju da je međunarodno takmičenje idealno mjesto gdje djeca mogu razviti ljubav prema ovom sportu. Organizovanjem takmičenja želi se promovirati zdravlje, buđenje svijesti društva o značaju plivačkog sporta te pružiti ugodno okruženje za socijalizaciju djece. Plivački klub Aquafit je u protekle 3 godine ostvario značajne rezultate na državnom nivou sa osvojenim preko 70 medalja. Unutar Udruženja okuplja se preko 60 porodica i obučeno je preko 500 djece.

Za realizaciju ove aktivnosti organizaciji je neophodno 12.800,00 KM zbog čega želi pokrenuti kampanju za namicanje sredstava. Sredstva iz poziva iskoristila bi se za troškove promocije kampanje u iznosu od 2.400,00 (bez PDV-a) i za troškove projekta u iznosu od 2.600,00 KM (bez PDV-a).



Udruženje partnerstvo za javno zdravlje – PJZ, Sarajevo

Centar za zdravo starenje Novo Sarajevo je prvi dnevni centar za osobe treće životne dobi, gdje starije osobe kvalitetno provode svoje vrijeme kroz niz rekreativnih, kreativnih, edukativnih i zabavnih aktivnosti. Centar postoji punih 12 godina i namještaj koji je prvobitno kupljen sa otvaranjem centra, još uvijek se koristi te je potrebno izvršiti zamjenu istog. Na dnevnoj bazi kroz centar prođe i do 150 korisnika pa je namještaj odavno dotrajavao i potrebna je zamjena istog kako bi se korisnicima pružilo udobno, kvalitetno i lijepo okruženje kakvo zaslužuju.

Za realizaciju ove aktivnosti organizaciji je neophodno 10.000,00 KM zbog čega želi pokrenuti kampanju za namicanje sredstava. Sredstva iz poziva iskoristila bi se za troškove promocije kampanje u iznosu od 3.000,00 KM (bez PDV-a) i za troškove projekta u iznosu od 2.000,00 KM (bez PDV-a).

Fondacija Laila, Brčko

Cilj projekta je omogućiti djeci sa poteškoćama u razvoju, njihovim roditeljima, asistentima u nastavi, nastavnicima, stručnim saradnicima sa područja Brčko distrikta dostupan didaktički materijal i stručnu literaturu koje je neophodna u jednoj fazi razvoja djeteta. Ovim projektom olakšalo bi se praćenje rada terapeuta i intenziviranje individualnog rada roditelja i djeteta kod kuće uz stručno savjetovanje. Nabavkom ovog materijala omogućio bi se jednak pristup resursima kako djeci sa poteškoćama tako i njihovim roditeljima, stručnim saradnicima i ostalima sa područja Brčko distrikta BiH. Uz online kartoteku sa detaljnim opisom i uputama za pravilno terapeutsko korištenje didaktičkog materijala roditelji bi mogli samostalno raditi na razvoju svoje djece. Pravovremeno savjetovanje i pružanje podrške, prije svega roditeljima, u velikoj mjeri smanjuju roditeljske brige i stres, te im pomažu u procesu prilagodbe na odgoj djeteta.

Za realizaciju ove aktivnosti organizaciji je neophodno 10.027,07 KM zbog čega želi pokrenuti kampanju za namicanje sredstava. Sredstva iz poziva iskoristila bi se za troškove promocije kampanje u iznosu od 2.973,92,00 KM (bez PDV-a) i za troškove projekta u iznosu od 2.026,08 KM (bez PDV-a).

Badminton klub Sertini, Doboj

Projekat "Badminton za inkluziju" ima za cilj promoviranje inkluzije i unapređenje razvoja djece sa poteškoćama u razvoju kroz badminton. Projekat se fokusira na razvoj djece sa poteškoćama u motoričkom i socijalnom razvoju, pružajući im mogućnost da se uključe u aktivnosti koje doprinose njihovom fizičkom i emocionalnom zdravlju, samopouzdanju i samopoštovanju. Također, planirani su i turniri i druženja kako bi se ohrabrila socijalna integracija i međusobno povezivanje djece s različitim poteškoćama. U sklopu projekta će biti organizovan i trening za badminton trenere kako bi se unaprijedile njihove vještine i znanja za rad s djecom sa poteškoćama. Sredstva dobijena putem donacija bi se koristila za nabavku sportske opreme i materijala potrebnih za organizaciju badminton treninga, turnira i druženja, kao i za plaćanje stručnih trenera, volontera i stručnjaka koji će raditi s djecom. Dio sredstava je za opremu tj. fotoaparata.

Za realizaciju ove aktivnosti organizaciji je neophodno 10.000,00 KM zbog čega želi pokrenuti kampanju za namicanje sredstava. Sredstva iz poziva iskoristila bi se za troškove promocije kampanje u iznosu od 3.520,00 KM (bez PDV-a) i za troškove projekta u iznosu od 1.480,00 KM (bez PDV-a).